

四庫全書

史部

欽定四庫全書

江南通志卷四十四

輿地志

寺觀二

蘇州一府

蘇州府

報恩寺在府城北故稱北寺吳赤烏初孫權為乳母陳氏初開元中詔改開元吳越錢氏移支硎山報恩寺額於此故名梁僧正慧造浮圖於中凡十

一層宋元豐間重建蘇文忠軾捨銅龜以藏舍利  
建炎四年罹兵燹寺塔俱燼紹興間行者金大元  
再剏止九層

國朝康熙三年鄧尉剖石壁禪僧來寺修塔八年夏告  
成以三元房為方丈名塔院

承天寺在報恩寺西南甘節坊內梁衛尉卿陸僧  
瓚捨宅剏初名廣德重元寺宋初改今名元末張  
士誠據以為宮明洪武初復為寺正統八年燬成

化十年重建康熙五十八年

聖祖仁皇帝欽賜金葉祥光四字匾額

雍熙寺在府周武狀元坊內本周瑜故宅梁為陸  
襄太守宅天監二年捨以為寺僧清閒開山名法  
水寺唐僧壁法重建宋改今名元燬明洪武初以  
其地為城隍廟僧廣宣乃即城隍廟左重建

東華嚴寺在周武狀元坊孫吳時建宋咸淳初賜

額

西華嚴寺在府西北隅元至元二十年報恩寺僧同覺開山其徒元沖嗣建

朱明寺在府城隍廟西晉朱明富而孝友其弟聰婦言避兄離居明以金穀盡與弟唯畱空室一夕風雨財悉飄還明宅弟與婦媿而自縊明遂捨宅為寺代遠漸為民居繼為官署至

國朝順治十一年巡撫周國佐因署中屢見神光遂遷南城發地得須菩提碑刻五百羅漢朱明字蹟在

馬副戎朱光煦異之重建娑羅閣巡撫張中元捐  
造準提閣漸成叢席

海弘寺在朱明寺南宋至德間勑自樓子和尚  
寶林寺在府西北隅元至正間僧圓明開山明宣  
德二年燬正統十一年重建奏改今額內有栟櫚  
徑梧桐園水竹亭山茶塢煮雪寮停鵠館諸景

定光寺在府徐胡橋西宋景定間建明英宗召天  
下名僧講演經典寺僧永琮應召稱旨賜紫伽黎

勅額定光講寺

開元寺在府盤門內吳大帝母捨宅建永禪僧開  
山名通元寺寺有石佛相傳晉建興二年滬瀆海  
口漁者夜見神光照水徹天旦而視之乃二石像  
浮水上吳人朱膺等於海濱迎入城置通元寺光  
明七晝夜不絕其後漁者復於此獲一青石鉢遂  
併以供佛唐東宮長史陸東之書碑延載元年則  
天遣使送珊瑚鏡一面鉢一副宣賜供養兼改重

雲寺開元初再改今額舊在城北陞後唐同光中  
錢氏遷置於此宋紹興間守臣洪邁作戒壇明萬  
歷四十六年僧如緣建閣供奉欽賜大藏純壘細  
甃不用寸木雄傑冠江南

瑞光寺在府盤門內開元寺南吳赤烏四年孫權  
為報母建舍利塔十三級僧性康居之名普濟禪  
院宋元豐二年神宗命漕使李復圭延圓焰宗本  
禪僧說法時有白龜聽講法鼓自鳴翠竹合歡寶



塔放光故堂名四瑞宣和間朱勔捐資并建寶塔  
七級復賜寺額瑞光禪寺淳熙十三年法林住持  
重葺有白牛自來助役工畢乃斃今白牛塚尚存  
舍利塔凡燃燈之夜太湖漁人網捕無所獲湖與  
塔相去三十里康熙四十二年

聖祖仁皇帝賜普度羣黎四字匾額

報國寺在府學西元至元間建賜額報國寺明天  
順中重修

泗州寺在府杉瀆橋東南本報恩寺子院宋景定間僧惟一感泗州大聖夢移置南城賜額泗州禪寺

龍興寺在府治西南范成大志云梁置吳地記云則天后置御書額開元五年再興刺史張廷珪摹勒御書於碑然房琯所撰碑與此不同明初廢

西竺寺在府平權坊內即祥符寺唐大中間郡人司馬厚捨宅建初名馬禪宋大中祥符初易今名

西禪寺在府治西南吳中四大禪寺之一也唐貞觀間建宋紹興間信安郡王孟忠厚改建為隆祐太后薦嚴之所明嘉靖間郡守胡纘宗借正殿為巡鹽公署萬厯間改遊擊公署尋廢至

國朝康熙十三年侍講繆彤歸復

永定寺在府治西南吳地記云梁天監中郡守郡人顧彥先捨宅建唐乾符間賜今額陸羽書初寺在閭門北景福二年始遷於此元僧九臯作海印

堂榜為元台哈布哈所書雄偉可觀

利濟寺在府閭門外南濠宋紹興間建明洪武初  
為叢林成化六年燬二十三年寺僧弘毅大心淨  
心重建

寒山寺在府閭門西十里楓橋下相傳寒山拾得  
嘗止此故名

石佛寺在府閭門外南濠齊隱士何求嘗開講於  
此宋嘉定間重建明洪武間歸併利濟寺成化間

又建萬厯初又廢天啓六年郡紳毛堪士人張世俊捐資興復

慧慶寺在府閭門外西五里元延祐間建至元間兵火廢僅存退居於涇西明成化弘治間僧達俊如珪即退居修葺

治平寺在府上方山下梁天監二年建名楞伽寺宋治平元年改今名寺旁有石井隋人刻字蓋楊素移郡橫山時也明嘉靖辛巳寺僧智曉構石湖

草堂於寺內又有竹亭西南房有五賢祠祀唐寅  
文徵明王守王寵湯珍

上方寺在府楞伽山上隋大業四年吳郡太守李  
顯建浮圖七級

寶積寺在府治平南紫薇村西隋大業四年建

廣福寺在府吳山嶺上晉天福間吳越中軍節度  
使錢文奉建為其父廣陵王璆墓祀之所本名壽  
聖院宋天聖間建僧惟久屢遷其址治平中改賜

今額

薦福寺在府薦福山下或云亦錢氏建

寶華寺在府寶華山梁天監間醴醴尊者嘗卓錫於此中有醴醴泉宋祥符間知府秦羲重建

寶雲寺在橫山堯峰本名壽聖寺康熙四十二年

聖祖仁皇帝賜寶雲寺三字匾額

附明王鏊記

吳橫山之西南有峯

名堯莫知所始或曰堯時民於此避水也唐末慧禪師始建精藍曰免水院宋改為壽聖寺有寶雲禪師居之元涉國初久弗不治弘治初有雲谷菴禪師與其徒文通披叢剔薈始立山門緣以石垣

觀音龍王之殿寶雲碧玉之治東齋西隱以次修復而大殿未遽議也雲谷示寂丈通卒矢先志乞諸檀越大雄之殿頓還舊觀矣予北歸造馬峭壁梯空側足而上至巔曠然平夷樹木縈紆泉石秀麗却而望之太湖萬頃浩蕩在前而吳興雲間諸峯隱隱可見信地之高且勝者也地雖勝而其蕪也久得人以居之則蕪者治頽者起事之興廢其不在人乎

興福寺在府下堯峯宋咸淳中建

法音寺在府獅山舊名思益寺唐開元中建宋高宗南渡值壽聖公主薨擇葬毬山賜名思憶

國朝康熙四十四年



聖祖仁皇帝賜法音寺三字匾額

資福寺在何山下

靈巖寺在靈巖山即吳故館娃宮晉司空陸玩捨宅為寺梁天監二年重建剏寶塔感智積菩薩之異稱智積道場宋改為秀峰禪院太平興國二年藩臣孫承祐為姊錢王妃資冥建甄塔九層紹興中詔賜韓蘄王薦先福更號顯親崇報寺明洪武中賜今名永禁民間採石

國朝康熙二十八年

聖祖仁皇帝賜嵐翠二字額三十二年

欽賜彌勒偈四句

彌勒真彌勒分身千百億時時示時人時人自不識

附

宋孫覲靈巖記略

梁天監中重建靈巖寺成有異僧負鉢囊以入憩殿廡下長身

顰面梵相奇古其徒莫之省夜半索筆墨自圖其像於殿之東北壁而去黎明不知所在衆始驚異之居無幾有胡僧顧見其畫惜曰此西土智積菩薩像也何為在此於是道俗奔走來觀稽首皈依如師出世唐宰相陸象先吳人也有弟得危疾一日有僧叩門問疾象先引至卧内僧索杯水喫之

一嘆而病良已象先驚謝出金帛數牀弗受顧謂其弟曰我靈巖僧它日還吳來過我遂去不復見其年象先弟觀察桂管道吳中趨靈巖問僧所舍無有遍從寺僧求之亦非是方悵然欲還俄見壁間所畫像肖馬驚喜亟拜施錢五十萬修供作佛事徘徊數日而後去其事載於吳越國沙門智賢之文傳於山中父老之口見於大乘經菩薩品云智積舊有殿在院之東廡庠迫破露不足以稱四方祈向奉事之意長老智訥飭其徒募衆力大之於是訥過余於晉陵求文以為記

明月寺在府木瀆靈巖山前後唐清泰二年建

觀音寺在支硎山東麓晉支道林建唐景龍間賜

額報恩明洪武間併白雲寺

北峯寺在支硎山支道林建

南峯寺在支硎山南峯舊名天峯院亦支道林建  
即古支硎寺以後修建賜額今圯止存支公放鶴  
亭

報恩寺在支硎山西本名寒山明趙宦光凡夫宅  
歿即葬焉人稱其地曰趙墳其後僧素潤得之為  
禪院內有雲根泉

華山寺在支硎山西蓮華峯東南長松夾徑寺境

幽絕

國朝康熙二十八年

聖祖仁皇帝賜遠清二字額

御製欲遊華山未往詩一首

恭紀首卷

三十八年

欽賜翠巖禪寺四字額又香域二字額

御製華山詩一首

恭紀首卷

又

賜閒起溪雲下詩清山雨歸對聯三十九年

欽賜斗室二字額

白雲寺在太平山唐寶曆二年建名白雲菴以山有白雲泉也宋慶厯間范仲淹以先墓所在奏為功德寺賜今額

普賢寺在太平山之東牛頭峯塢內宋景定間建金山寺在金山下元至正間建

賀九寺在鹿山之南嶺歲久淹沒明正統間修復崇禎五年郡紳文震孟建惟心閣於龍潭上

西資寺在吳山西係古吳山寺

穹窿寺在穹窿山陽相傳朱買臣故宅梁天監二年建明洪武初姚廣孝為僧嘗居此奉勅改顯忠禪寺嘉靖中粥為民產崇禎十三年復建名拈花寺康熙四十一年

聖祖仁皇帝賜拈花禪寺四字匾額

寧邦寺在穹窿山陰寧邦塢宋紹興十二年韓蘄王世忠部將戰還薙髮隱此學禪賜額寧邦禪院明萬厯間僧雲川募衆鼎新

白馬寺在香山之麓相傳蕭梁時因伐樹祀白馬之神故名晉支道林開山宋景德四年重建萬厯間殿堂盡圯地屬居民崇禎十七年聖恩寺剖石壁禪僧恢復基址

國朝順治三年法嗣巨冶鳩工新建山有泉名梅泉天宮寺在胥山南太湖濱梁天監三年建宋天聖中修明洪武間為叢林寺

光福寺在鄧尉山龜峯下梁大同間九真太守顧



其捨山建有舍利塔七層明隆萬間烏程董份倡  
衆修建

聖恩寺在鄧尉山之右唐天寶間建天壽禪寺宋  
寶祐間又建聖恩禪菴元季寺燬菴存萬峯禪僧  
時蔚開山說法又創天壽寺尋燬明正統八年僧  
道立奏請賜今額崇禎元年吳江知縣熊開元延  
三峯漢月法藏禪僧主席建大法堂後金粟圓悟  
禪僧又移堂院左今兩院並峙法嗣剖石弘壁又

建大悲堂藏經閣殿宇莊嚴寮舍次第為叢席冠

國朝康熙二十八年

聖祖駐蹕於此

賜松風水月四字匾額

天壽寺在銅井山宋紹興間建元至正間廢明洪

武初復建

昭明寺在錦峯山相傳梁昭明太子蕭統建或謂

山產丈石故名唐會昌中廢宋嘉泰中白馬寺僧

南重拓建有理宗書賜鄭起潛錦峯二字藏寺中  
明洪武初為叢林寺僧於此采石遞至南京寺旁  
有石蕩即采石處

延慶寺在府橫金鎮唐長慶三年建吳越錢氏修  
宋天聖間重建

實相寺在香山西太湖濱舊有實相院范成大志  
云古廢寺梁大同十年重興宋大中祥符中賜今  
額

寶壽寺在八都黃蘆村唐大中七年勅乾德二年  
吳越錢氏重建宋嘉定間重修

長山寺在二十三都梁大同間建

晉慶寺在臯峯山塢晉支道林建

秀峯寺在府西華鄉宋紹興間建

姑蘇寺在橫山之錢莊梁天監二年建

清遠寺在府蓮華峰東南本名華山寺明僧鹿亭  
結茅於此後講僧一雨卓錫法嗣汰如蒼雪二僧

相繼興建殿宇櫟巷正志繼之長松夾徑寺門幽  
絕有華山初地坊

翠峯寺在府東洞庭莫釐山東北唐將軍席溫捨  
宅建宋初雪竇明覺顯禪僧住山說法今寺有悟  
道泉白樂天有詩

靈源寺在東洞庭碧螺峯下寺有靈泉故名梁天  
監元年建

能仁寺在東洞庭長圻嶺東梁天監二年建內有

泗州池相傳見泗州塔影

彌勒寺在東洞庭飯石峯下唐乾符間吳越王建  
興福寺在東洞庭俞塢南

法海寺在東洞庭莫釐峯南隋莫釐將軍捨宅建  
華嚴寺在東洞庭翠峯東北楊家灣梁天監二年  
建

永福寺在東洞庭武山之西金山東北梁天監二  
年建

上方寺在西洞庭山唐會昌六年僧道徹開山名  
孤園寺宋嘉泰間重建始改今額寺前跨澗有香  
花橋橋旁古松偃覆於上曰臥龍松

包山寺在西洞庭山梁大同二年建天監中再葺  
宋靖康中僧懷深居此卓錫其地泉即湧出甃井  
置欄

國朝朱彝尊記略

康熙甲申三月朔暨同里沈秀才自  
林屋洞門扶杖步至神景觀坐笨車

尋包山寺將至行新松林下約千餘本徑盡而寺  
門見石梁覆澗水流涓涓不絕門左有唐會昌二

年僧契元書碑契元名不著於書史而楷法端麗  
在顏柳之間記成都雍博士陶有送契上人南遊  
詩即其人也讀未畢山僧出迎乃齊入方丈汲沙  
泉烹野茗良久出寺載讀會昌碑思以硬黃搨之  
不得也色山之寺相傳建自梁大同年茲碑立寺  
門歲月已久顧歐陽趙曾諸家博搜金石文未著  
於錄則以地僻在太湖中故聞見有所不及然自  
茲碑既立之後祠部奏括天下寺四千六百蘭若  
四萬僧尼二十六萬五百有詔山野招提先毀五  
年七月浙西東道止各留僧二十人乃茲碑不踣  
則亦以地僻存焉耳獨怪王文恪輯震澤編削而  
不載後之修具區志者遂遺之不可不補其闕焉  
偕遊六人錢唐馮念祖武陵胡期真秀水沈翼導  
余遊者吳縣徐上舍惇孝惇復及弟天秩也

祇園寺在西洞庭消夏灣西五峯嶺下梁散騎常



侍吳猛捨宅建

資慶寺在西洞庭涵村之湯塢晉支道林開山後

唐清泰間重建

水月寺在西洞庭縹緲峯下寺有無礙泉

附宋蘇

舜欽記畧

乙酉四月余來居吳門始維舟登靈巖望太湖俯視洞庭歸然特起於滄波之

中欲乘風跨落景以翱翔乎其間莫可得也自爾平居緬然思欲一到惑於險未果行是歲十月遂浮輕舟出橫金口水程汭洄七十里而達初宿社下踰日乃入林屋洞陟毛公壇宿包山精舍又泛明月灣南望一山上摩蒼烟舟人指云所謂縹緲峯也即岸步至松間望峯下有佛寺號水月者殿

閣甚古像設嚴煥旁有澄泉潔清甘涼極旱不枯  
梁大同四年始建佛寺至隋大業六年廢唐先化  
中有浮圖志勤者厯遊四方於舊址結廬誦經後  
因而屋之天祐四年刺史曹珪以明月名其院勤  
老且死其徒嗣之國朝大中祥符初有詔又易今  
名予觀震澤受三江吞蓄四郡之封其中有山七  
十二唯洞庭稱雄其間地占三鄉戶率三千環四  
十里民俗真朴皆樹桑柘柑柚為常產每秋高霜  
餘丹苞朱實與長松茂樹相差間於崖壑間望之  
若圖繪縹緲峯又居山之表壤斷水接人跡罕至  
數僧晏坐寂然於泉石之間引而與語殊無世俗  
氣韻豈上世之遺民耶後二年其徒惠源造予乞  
文識其廢興且序昔遊之勝焉  
時慶厯七年十一月五日記

西小湖天台寺在西洞庭縹緲峯北二里山上有

一小湖名海眼每太湖波濤起此中波浪亦湧蓋  
水脈相通云梁大同間達沙門建唐乾符間有沉  
香觀音像浮湖而來諸寺院迎之不可得西小湖  
寺僧迎得之像上有水滴路皆生旱蓮至寺有草  
少許繞像棄之池中即生重臺蓮花嘉靖間廢天  
啓三年重建

東小湖寺在西洞庭涵村東新安嶺宋咸淳二年  
建稱東湖菴佛殿前亦有小池與西小湖相望故

名

福源寺在西洞庭毛公壇南攢雲嶺梁大同二年  
吳縣令黃貞捨山園建

華山寺在西洞庭龍頭山  
西宋元嘉二年會稽內  
史張裕奏建於胥湖之北  
隋大業三年廢唐開成  
四年重元寺僧契元請省符移置今處

天王寺在西洞庭馬稅城之桃花塢  
唐大中元年  
鑿井得天王像宣宗賜額為天王院  
宋宣和間改

今額

羅漢寺在西洞庭消夏灣北三里晉天福二年建

法華寺在西洞庭金鐸山嶺梁大同間建

實際寺在西洞庭崦邊北二里宋端平二年建

長壽寺在西洞庭角頭鄭涇橋東唐天祐二年刺

史曹珪奏建

三峯寺在太湖中三山唐咸通十三年建

中峯寺在三山唐咸通九年建

北講寺在府齊門內晉戴顓宅也唐司勳陸郎中居此後以為寺寺有大通閣有趙孟頫碑

獅子林寺在府城東北隅元至正二年僧維則建則多聚奇石狀類狻猊故名內有臥雲室立雪堂問梅閣指柏軒禪窩竹谷諸景明萬曆二十年重建賜聖恩寺額

國朝康熙四十二年

聖祖仁皇帝賜獅林寺三字額又

賜苔澗春泉滿蘿軒夜月閒對聯

普福寺在府東北婁門路相傳勑自晉朝後廢

國朝順治十年重建

寶光寺在府城東北隅本鬱林太守陸績宅吳赤  
烏間賜今額寺內有鬱林石今遷至府學

萬壽寺在府治東北晉義熙中建唐僧貫休嘗居  
此休號禪月大師故寺有禪月閣寺前周廣順中  
所立尊勝石幢猶存嘉靖辛丑巡按舒汀改為長

洲學僧證果移佛像就寺之東結茨覆之仍稱萬壽菴

天宮寺在府城東北勑自晉末後廢為民居唐景福五年光祿大夫許台捨宅重建

國朝康熙三十五年

聖祖仁皇帝欽賜御書金剛經一卷

廣化寺在府城東北隅後梁乾元三年諸葛氏捨宅建名崇吳禪院宋大中祥符元年改賜今額景



定間改為長洲學今為文忠烈公天祥祠

禪興寺在乘鯉坊梁天監二年刺史孫文勗建成  
云孫瑒故宅孫瑒尚主內有妙嚴公主墓

積慶寺在府善教橋北宋開寶八年建

寶積寺在府黃土塔橋東梁天監中建相傳寺基  
為要離宅今為寺中伽藍

靈鷲寺在府東北隅梁天監中建

大智寺在府城東北隅宋端平元年萬戶姚八郎

捨宅為寺景定二年賜今額

祥符寺在府城東北隅宋祥符元年建賜額

東禪寺在府萬壽寺東南吳赤烏二年陳丞相宅  
池中生瑞蓮遂捨為寺宋異僧遇賢號林酒仙嘗  
居之今有祠

雙塔寺在府城東南隅唐咸通中建名般若院宋  
雍熙間王文罕建兩磚塔對峙遂名雙塔至道初  
改壽寧萬壽禪院

定慧寺在雙塔寺西本雙塔之子院也天禧中賜  
今額宋僧卓契順嘗居此即訪東坡於惠州者

正覺寺在府城東南隅即竹堂寺其先為宋楊和  
王別墅元為陸志寧寓館多植美竹尋捨為大林  
菴明洪武中廢永樂中滇南僧弘宗再建奏賜今  
額寺壁有唐寅畫達摩像并書贊

天王寺在府城東南隅唐大厯元年建

南禪寺在府城南唐開成間建有千佛堂轉輪經

藏白居易在郡嘗書長慶集畱千佛堂吳郡志云  
南禪寺唐有之今失所在按今寺在郡學東本名  
集雲明洪武中寶曇和尚奏改為南禪集雲寺

虎丘雲巖寺在府閭門西七里晉王珣及弟珣別  
業也咸和二年捨建即劍池分為東西二寺今合  
為一宋至道中重建後燬於兵元至元四年又建  
明永樂初重修

國朝康熙二十三年

聖祖南巡至蘇州登虎丘山越三載丁卯蠲江蘇所屬未完錢糧及明年應徵錢糧因建

萬歲樓於茲山之陽勒石以昭

恩德四十六年

巡視河工有司敬建

行宮於山頂三月

翠華臨幸

欽賜御書扁額一十有五曰虎阜禪寺曰路接天閭曰青

雲境曰天光雲影曰仙境澄潭曰曠宜樓曰靜觀齋曰  
香界連雲曰雲光臺曰連雲曰澹香樓曰靜遠曰晴巒  
飛翠曰含輝山館曰水雲深處又

欽賜對聯六曰波長先得月山秀自生雲曰徑轉披雲近  
窓明挹翠深曰花棹渾疑浮碧漢綺窓常似俯清流曰  
烟霞長護林巒勝臺榭高臨水石佳曰松聲竹韻清琴  
榻雲氣嵐光潤筆牀曰山光茂苑來書几柳色金閨入  
畫圖又建

御書亭二一亭勒

聖祖御製憶蘇州風俗詩一亭二碑俱勒

御製題虎丘詩

恭紀首卷

普福寺在府山塘宋淳熙間建

壽聖寺在府九都綵雲里半塘中有稚兒塔晉道  
生誦法華經童子死葬此義熙十一年商人謝本  
夜聞誦經聲旦見墳生青蓮花事聞詔建塔名法  
華院宋治平間賜今額

無量壽寺在府齊門外唐時建宋勅重新  
楊安寺在府閭門外楊安洪元至正間建  
接待寺在府婁門外宋嘉定間建

國朝康熙間進士蔣德竣捐資重修

大慈寺在府陽山之右元大德二年建

大覺寺在陽山南黃村宋寶慶元年建

蓮花寺在陽山西太湖濱一名青蓮寺唐神龍二

年居民劉氏井中生青蓮花因捨宅建寺



甌山教寺在陽山北竹青塘五代天德間建

澄照寺在陽山東麓唐會昌間丁某移白馬礪宅  
建吳越錢氏時有泉出寺中改仙泉院宋大中祥  
符初賜今額

陸香寺在府三都梁天監間建

迎湖寺在府六都晉永寧間建

白蓮寺在府十五都陸塘吳赤烏間建

法華寺在府葑門外斜塘宋建

靈澱寺在府蠡塘梁天監二年建

興國寺在府十一都黃埭唐大中二年郡人葉氏  
夢僧求一錫地遂捨宅為寺

覺林寺在府十三都冶長涇唐廣明間陳坦捨宅  
建名義安寺宋大觀四年改賜今額明少師道衍  
曾居茲寺

崇福寺在府三十一都尹山故又稱尹山寺梁天  
監二年建寺有澹臺滅明書院尹和靖慕其勝曾

卷四十四  
僑寓焉

國朝康熙五十九年紳士重建澹臺書院

大覺寺在府大姚山梁天監間建寺有東明子院  
頗為幽勝

全福寺在府周莊宋元祐間建中有古柏二株極  
奇勝

永壽寺在席墟陳湖濱唐大中間居民管洪捨宅  
建

保聖教寺在府甫里唐大中間勅建

附

明歸有光

記畧

長洲東南五十里地名甫里天隨先生之故居在焉今為保聖教寺而郡志又有白蓮講

寺然甫里無二寺蓋白蓮即保聖之別院也志云寺勅於唐大中間熙寧六年僧惟吉重修白蓮者僅在西廡其後即為天隨先生祠區宇非廣不當別稱為寺也寺之西北有安隱堂安隱者僧住持寺事已謝而退故稱安隱云寺之盛時僧每房皆以堂為別凡為堂如安隱比者無慮數十房主僧法慧懼且盡廢故時安隱之房分為二派乃與同堂之徒復為合一誓與共守之請為堂記饒之石

白蓮寺在甫里即陸龜蒙別業祠堂在馬宋熙寧

六年建

積砂寺在府陳湖之北宋乾道間建寺因濱湖歲久頽廢

景德寺在崑山縣西南通德坊俗稱西寺晉王珣捨宅建初名寶馬寺宋景德二年賜今額

資福寺在崑山縣東南隅俗稱東寺唐天祐二年吳越鎮遏使劉璠捨宅建宋大中祥符元年勅改慧嚴禪院尋賜今額以奉成穆皇后香火

華藏寺在崑山縣馬鞍山頂後有凌霄塔舊在山

之北麓明洪武十三年移建於此為上方賢首講  
寺改今名凌霄塔梁天監中勅建舊止五級萬厯  
間重修增級七

慧聚寺在馬鞍山下梁天監十年沙門慧嚮建相  
傳夜中喑鳴之聲聞數里外遲明殿基成延袤一  
十七丈高大有二尺巨石轟然其直如矢事聞武  
帝因命建寺賜今額勅張僧繇繪龍於四柱明洪  
武初移建城隍殿於此二十二年僧曇倅重建佛

殿於東偏

報國寺在崑山縣西南隅元泰定甲子建勅賜額  
報德寺在崑山縣治西南宋建炎間建

新安尼寺在崑山縣城東梁天監二年建

能仁寺在崑山縣東南二十五里車塘唐天祐二  
年魏長者捨宅建名羅漢寺宋大中祥符元年改  
今額

聖像寺在崑山縣東南三十里滬瀆晉建興二年

有迦葉維衛二石佛泛海逆水而來止此數百人  
不能舉衆迎像置郡城開元寺里人趙罕捨所居  
建寺於此迎像奉之事聞勅賜今額梁貞明四年  
重修宋寶慶中寺焚石佛仍徙開元寺明洪武十  
七年重建

延福寺在崑山縣千墩浦秦柱山之陽梁天監二  
年建名般若寺宋大中祥符元年勅改今額有浮  
圖七級



無相寺在崑山縣石浦鎮梁天監十年建名寶乘  
寺宋大中祥符元年改賜今額

延祥寺在崑山縣東南四十里雞鳴堂北梁天監  
中建名紹法寺宋大中祥符元年改賜今額

興福寺在崑山縣西南四十里趙靈山唐大中十  
年建

東靈寺在常熟縣治西北隅梁大同間建舊在吳  
縣界神龍元年移置於此賜今額有子院曰延福

教院即今城隍廟也

慧日寺在常熟縣治西北隅梁天監間僧慧嚮開  
山今為祝釐道場

清涼禪寺舊名三峯寺在常熟縣康熙三十八年

聖祖仁皇帝南巡

御書清涼禪寺四字匾額

東塔寺一名方塔在常熟縣東北隅宋建炎四年  
建

國朝康熙四十六年

御題般若相三字匾額

破山寺在常熟縣虞山北嶺下齊始興五年建名

大慈唐咸通九年賜額破山興福寺

附

元段天祐

空心亭記

海虞山循常熟州治西北十里而近曰破山直破山之麓有寺曰興福澗流絕

山而下瀦為深潭潭之上有空心亭山以崖斷石裂得破山之名亭以唐少府常建詩得空心之名  
孱巖峙其前冷冽停其下設置既宜而稱謂也當  
亭之始不知為誰歲滋久風雨弗支至正五年寺  
僧激上人謀撤其故而更砌焉落成宏敞雅潔十  
倍其舊以天祐佐是州而山若亭實所遊歷致書

屬為  
記

維摩寺在常熟縣虞山上宋隆興元年建名石屋  
維摩菴有石井名湧泉明洪武中重建改今額

寶嚴寺在常熟縣虞山西麓梁天監間建名延福  
禪院宋天禧間改今額內有浮屠七級極莊嚴相  
傳泗州僧伽塔第一此為第二仁宗朝賜銅鑄東  
嶽聖像為伽藍

永慶寺在常熟縣河陽山梁大同二年侍御陸孝

本捨宅建宋賜名大福寺尋改今額山頂有石井  
水清而甘大旱不竭鄉人目為聖井

妙清寺在常熟縣莫城勑自陳貞明二年名妙清  
院明洪武中重建改為寺

大慈寺在常熟縣福山鎮梁太清元年建名法水  
禪院宋大中祥符元年改今額

勝法寺在常熟縣梅李鎮唐元和中間將軍捨宅  
建乾元間置為離火宅寺宋大中祥符元年改今

額閻將軍今為寺伽藍頗著靈異寺東即將軍墓也

智林寺在常熟縣李墓村唐乾元元年建名永安寺宋大觀四年避宣祖陵名改賜今額

練塘寺在常熟縣練塘市初名仁王院宋開寶中鄒知邈施地建明洪武初重建改今額

明因寺在常熟縣支塘市北唐乾元中廢咸通中復建明永樂元年重修

無礙寺在吳江縣常樂坊西故稱西寺梁開平三年建晉天福七年改額華嚴賢首教寺吳越忠獻王改今名

華嚴寺在吳江縣東門外東晉明帝時衛尉卿陸僧瓚捨地建宋元祐四年邑人姚得瑄建方塔七級今為祝釐道場

接待寺在東門外南津口俗稱南寺宋紹興十二年建

海雲寺在吳江縣簡村元至元年間建天厯中賜額

永福寺在八斤宋紹興二十一年建

崇吳寺在吳江縣充浦村梁開平二年建

永定寺在充浦村宋淳熙五年建

雙林寺在吳江縣倪林里宋咸淳中建

妙智寺在吳江縣半澤村宋開成中建

寶覺寺在吳江縣曹村宋紹興十一年建



普濟寺在震澤縣震澤鎮宋元豐元年建

慈雲寺在震澤縣宋咸淳中建明天順中賜額中

有浮圖五級

奉先寺在吳江縣雙楊涇唐咸亨中建

永樂寺在雙楊涇東宋淳祐七年建

應天寺在吳江縣蠡澤村唐大中七年建

崇義寺在吳江縣十九都掘城河南宋乾道中建

顯忠寺在吳江縣梅堰元大德元年建

圓明寺在吳江縣車溪傍宋乾德中建明正統初  
移建盛澤鎮俗呼白馬寺

積慶寺在吳江縣塘涇宋建炎元年建

羅漢寺在吳江縣黎里西晉永熙元年建

殊勝寺在平望鎮鶯脰湖濱宋治平四年僧如信  
開山時蔡京趨朝過寺適信徒法昇書華嚴經僧  
以寺額為請京問書經至何品云至殊勝功德品  
京笑曰當以殊勝為額遂奏賜焉

法喜寺在吳江縣九里村唐武德中建初名崇福  
院宋大中祥符元年賜今額

報恩寺在吳江縣庀村唐大中二年顧文通捨宅  
建

泗州寺在吳江縣蘆墟唐景龍二年建

福濟觀在府紅橋西北宋淳熙間建初名巖天道  
院元至大間賜今額

三茅觀在中街路仁風坊宋淳熙間建元天厯間

賜額

朝真觀在閭門外義慈巷宋景定中建

修和觀在盤門外五里唐進士畢瑊捨宅建明季  
頽廢

上真觀在穹窿山三茅峯相傳漢初平中建祀三  
茅真君歲久傾頽興廢莫攷惟峯頂斷碑依稀見  
上清司命三茅真君字及宋延祐年號而已

國朝順治七年朝真觀道士施道淵興建十五年

賜今額

丹霞觀在吳山東麓唐建

希夷觀在府靈崖山下宋紹興十三年咸安郡王  
韓世忠建

靈祐觀在西洞庭林屋洞旁即神景宮也唐乾封  
二年建宋天禧五年重建

仙壇觀在毛公壇側唐至德二年里人葉超元捨  
宅建

玄妙觀在府城東北隅初自晉咸寧中唐名開元  
宮宋改天慶觀建炎中燬於兵紹興十六年重建  
元至元元年改今額殿中有吳道子老君像唐玄  
宗御贊顏魯公書東廡有通神菴為何真人所居  
明洪武中清理道教為正一叢林置道紀司於此  
正統間巡撫周忱知府況鍾捐建彌羅寶閣請賜  
道藏經

國朝康熙十二年布政慕天顏修建四十四年

聖祖仁皇帝南巡

賜御書餐霞挹翠四字匾額其雷尊殿西為育嬰堂郡守

高晫所設也

清真觀在玄妙觀東元皇慶元年道士黃孤山賣藥吳地以所得藥資勦建初稱道院至正間始賜今額

白鶴觀在府城鶴舞橋之東相傳其地為宋信安郡王藏春園元平江路總管張世昌捨宅建稱報

恩道院尋廢道人張應元復建有羣鶴自東南來  
一鶴結巢樹上因名白鶴觀

衛道觀在府東北隅宋季蜀人鄧道樞以教法顯  
於理度兩朝游吳中得上官氏廢圃建初名會道  
明嘉靖辛丑遷縣學於東城以觀在學後形家言  
此為學之外衛巡撫舒汀為易今名

靈應觀在府相城宋咸淳間建

清真觀在崑山縣西北會仙橋東即宋放生池也



乾道七年道士翟守真勅立真武殿又適得民家樟木一段鋸出儼具聖像披髮握劍遂裝繪供奉淳熙元年勅賜額明洪武二十四年清理道教為正一叢林內有竹洲館為一觀之勝

真如觀在崑山縣南四十里石浦鎮宋慶元間建致道觀在常熟縣西門內虞山南嶺下梁天監初漢張道陵裔孫道裕居此建招真治并建寥陽殿虛皇臺手植七星檜後道裕仙化瘞劍於山之西

麓簡文時改名乾元宮昭明嘗讀書於此有讀書

臺宋治平中道士李則正浚井得藏丹化雙鵲飛

入尚湖有丹井存焉政和七年改致道觀

附

梁昭

明太子招真治碑記

海虞縣境在虞山越絕書云巫咸之所出也高巖鬱起帶

青雲而作峯瀑布懸流雜天河而俱會吳門採藥之地楚望槐椒之歌陽反流沙之魂錦飾汾陽之鼎無以踰焉其峯則有石城石門虛峴自然不度勾吳之馬神功挺起豈似岡陵之畫魏后冰成夜陣權息長安慈石浴塔暫流鼓跡比期優劣斯達沛郡張君諱道裕漢朝天師陵十二代孫天監二  
年來止此岫遁十有餘載夜忽夢見其祖云峯下之地面勢閑寂宜立館宇可以卜居裕即以其地

為治故號招真高臺迥立有類玉臺之山長廊宛  
轉還如步廊之岫柱削芳桂豈俟開陽木飛才選  
海檀無勞豫章神拔黃庭司命之府有類玲瓏朱  
陵赤后之觀同符洪敞遠望仲雍而高墳蕭瑟旁  
臨齊女則哀壘蒼茫蘚尋千仞之木氣叶星晷華  
飛五香之草形圖宮室帷葉綬花卷舒溪逕陽桃  
候棗榮落巖崖樹息金烏簷依銀鳥鳳將九子應  
吹能歌宦生七歲逐節成舞旭日晨臨同迎若華  
之色夕陽斜影俱成拂鏡之暉玉礎微潤應山雲  
於高墉鳴籟徐響引和風於空谷方當專氣致柔  
入無為之境周行不殆窮混成之致茅子算歸轍  
轡無已魏姬宴罷畱駕不歸何止持節變淮南之  
金傳符蒔北鐘之稻明月蛟龍之騎驅之使闕四  
銖七子之鏡引以成刀散季齊之羽起雄鳴之霧  
哉而已

至和觀在常熟縣治西宋咸淳中建

衍慶昭靈觀在吳江縣東北隅唐先天二年勅建  
名曹王廟王名明太宗第十四子也即昭靈侯梁  
時淮寇圍蘇州吳越王錢鏐自以兵弱不能支禱  
於侯以求默佑後果蒙麻奏請得封元大德三年  
嗣天師奏改今額明洪武三年詔正城隍稱號於  
是移去神像更建城隍廟觀額仍舊

樂真觀在吳江縣城東北隅元至大三年建

洞真觀在吳江縣同里鎮宋嘉定十三年建

瑞雲觀在吳江縣韓墅村元泰定中建

積善菴在府城西北隅元至正間僧文信建俗稱

北菴

國朝康熙四十二年

聖祖仁皇帝南巡

賜御書般若心經一卷金剛經一卷又

賜衍真諦三字額

吉祥菴在府西北仁風坊宋景定二年建

集福菴在府西北隅宋嘉定間建明宣德間重建  
國朝順治中僧證研買地復興太傅金之後建藏經閣  
改名興福中有鴛鴦殿連環池準提臺

能仁菴在府西北隅仰家橋西元至治間建

準提菴在府西北隅桃花塢即唐寅桃花菴明萬  
歷十年僧旭小構天啓丙寅楊大滌奉準提像於  
此改今名時浚池得唐寅桃花菴歌碑又得祝允

明菴額今並存

休休菴在府西北宋咸淳中勅建萬厯間大學士  
申時行重修

寶月菴在府西北梵門橋西相傳古法會菴基也  
創自宋高宗時名寶誌明萬厯初重建以菴傍要  
離墓有池清淺夜月印渠因改今名

蓮花菴在府西城梁天監初建為治平寺子院申  
時行感夢塑像題額曰水月禪林

梅隱菴在府西南隅瑞光寺西宋開禧間建

幻住菴在府閭門外鴈蕩村元大德四年中峯院  
僧明本建初本至吳喜其地名與鴈蕩山合遂結  
草菴於此

竹影菴在閭門外明洪武間行僧西宗結茅於此  
隱士葛可久建為墓傍香火院弘治中郡紳楊循  
吉重修

龍樹菴在閭門外白蓮涇南明萬厯間建周忠介



順昌以老樹拒門如龍因名龍樹

壽生菴在閭門外望墅墩元至正間建

青松菴在盤門外堰橋南宋端平間建

感德菴在府雙橋下元咸祐間建後廢明天啟四

年重建左有光明浜至是浚為放生河

寂鑑菴在府蓮華峯西宋乾道間為祕書監張廷

傑別墅造像立寺元至正中重建名天池寂鑑菴

化城菴在支硎山西内有石壁峭立水濺石上日

夜不絕聲因稱千尺雪

法螺菴在府寒山上有二楞堂為中峯下院勢如  
旋螺徑絕幽秀

磐陀菴在支硎山之西晉支遁建後廢

國朝康熙間復建

文殊菴在府金山東嶺元至正間建與獅山相對  
取文殊坐獅之義故名

海雲菴在穹窿山北麓宋熙寧間建

積翠菴在穹窿山北即皇駕菴相傳明建文帝遜國曾稅駕於此萬厯間其名始顯崇禎末重建

微笑菴在穹窿山明崇禎間建

雙松菴在穹窿山有宋時古松二株元至正間建海會菴在府臯峯山南塢宋元祐間建

興福菴在府堯峯山西麓宋咸淳二年建

新菴在府鄧尉山北舊稱寶林禪院宋末燬明季復建改今名陳繼儒題衆香菴

崇福菴在府銅坑山梁大同初建宋嘉熙間復建  
奉慈菴在鄧尉山宋建中靖國元年建菴分南北  
中三院內有石鉢盂玉茶花牛欄泉凌碧松諸古  
蹟

真如菴在府青芝山真如塢內元至正間建  
清風菴在府木瀆鎮西宋治平間建

金菴在東洞庭西塢洪武中建內大士及羅漢像  
係雷潮裝塑潮夫婦俱稱善手一生止塑三處此

巷為最

天龍巷在府利三圖元至正己丑僧惠慈建為北  
禪子院明萬厯己酉重修

崇慶巷在府亨四圖宋淳祐八年建又稱百花巷  
盧師巷在府仁三圖明成化間韓雍勦建

慈航巷一名青松巷在府仁三圖明天啓六年建  
國朝雍正十一年重修

壽星巷在府城東南宋名萬壽巷屢經興替

妙隱菴在府城南元延祐間建旁即韓蘄王廟

大雲菴在府城東南一名結草菴南禪集雲之別

院也元至正間建明嘉靖初重修

附

明沈周紀遊

弘治十年八月十七日余有役於城來寓草菴菴名大雲前有吉草菴者居之遂謫為結草菴菴近南城竹樹叢邃極類村落間隔岸望之地浸一水中其水從葑溪而西過長洲縣治由支港稍南折而東復南行至菴左流入環後如帶匯前為池其勢縈互深曲如行螺殼中池廣十畝名放生中有兩石塔一藏四大部經目一藏寶曇和尚舍利東西二小洲楸而方浮泊塔下猶筆硯相倚東洲南次通一橋過洲復接一木橋人行側足慄股徹橋若與世接自此達主僧茂公房房踞東偏中有佛

殿後亘土岡延四十丈高踰三大上有古栝喬然  
十尋其枝猷髣深翠數百年物也山空水流人境  
俱寂宜為修禪讀書之地地理家謂其四獸俱  
全風氣藏鬱以是觀之吳城諸蘭若莫之及矣

王路菴在府一都相傳吳王夫差登山輦路也晉  
為正覺菴支遁談經處

覺海菴在府中峯北晉支遁建

白椎菴在府十三圖晉僧道生放生處元至正間  
僧慧觀勅建明洪武間僧道衍駐錫其中更今名  
蒲菴在虎丘花園子內明天啟間建

佛慧菴在虎丘寺東宋紹興間建徑樹幽僻有鍾  
秀軒

文殊菴在府沈塘村宋至道三年建

石牛菴在府通國橋西宋咸淳六年建名即山菴  
明萬曆三年重建因菴前有石牛相傳唐時物更  
今名

雲泉菴在府西天平山范文正公祖墓旁宋慶曆  
中僧遠建內有沈周畫吳寬張淵史鑑李某聯句



圖刻於石

國朝康熙三十八年

聖祖仁皇帝賜御書般若臺慧業寺利濟寺三匾額又  
賜精舍清調二匾額四十二年

欽賜維揚雨霽詩綾一幅

二十四橋夜雨收蜀崗阜下水西流禪心欲定沾泥絮  
不為繁華紫綺裘四十四年

欽賜詩綾一幅遠上寒山石徑斜白雲深處有人家停車

坐愛楓林晚霜葉紅於二月花

妙智菴在府中十八都梁天監間建明姚廣孝為  
僧時居此後建祠於中有勅賜碑文

華嚴菴在府竹青塘宋建

永慶菴在府下雉瀆後周廣順元年建

起化菴在崑山縣東南二里宋淳熙中建後改名  
和豐菴每歲迎春於此

崇寧菴在崑山縣西北巴城湖之左宋崇寧中建

海潮菴在崑山縣惠安鄉何村明萬曆十五年建

瑞石菴在上方院之右宋明道元年建

白龍菴在常熟縣頂山梁天監元年建

拂水菴在虞山西嶺明洪武三年建

晏林菴在虞山西宋紹興六年建

真武菴在吳江縣三里橋北俗稱北天門

蘊空菴在吳江縣黃溪東寨湖內東吳赤烏三年

司馬盛斌結寨於此明建文初僧了然建菴

普明菴在吳江縣龐山湖濱元至正中建夜則懸燈於竿以指行舟

崇真宮在府永豐倉東宋政和八年里人黃悟微捨宅創建

東嶽行宮在府虎山

靈順宮在東洞庭之楊灣祀相國伍員勗自貞觀二年宋高宗南渡時扈蹕官軍分道經湖風濤不可航禱神立應為遣官齎金葺治封員為忠武英

烈顯聖安福王里人楊嗣興捐地若干畝益恢其  
故

上真宮在西洞庭龍頭山西三里梁大同四年隱  
士葉道昌捨園宅建

天妃宮在北寺東宋元祐間勅元泰定四年海道  
都漕運萬戶府奉旨勅建明嘉靖二十二年又勅  
賜重建按神姓林宋時莆田都巡檢林愿之女生  
而神異能言人禍福立廟祀之祈禱輒應

乾元宮在虞山北宋元祐中建紹興丁卯改築招

真庵取致道舊額名乾元宮

附

宋康與之記

自姑蘇出

齊門汭而北望山如巨鼇蓋常熟縣之虞山也邑  
去江不及程陂湖畎澮之積自南至者傾馳會於  
江江河既應則迅瀾倒流二水相制移時而不能  
去山無奇谷惟荒墟白草醜石散亂坡陀迤邐而  
西有修林橫抹隱見於兩山之間其中為招真菴  
元祐中道人申氏泰陵徐處士弟子也松林森茂  
庭宇簡寂如隱君子之居通州道士喻抱元增治  
之舊名竹林至是更以招真請記於僕乃歌招真  
之詞以系之曰白鶴巢兮丹井空蓬山杳兮烟霞  
濛陵谷變兮今古木葉下兮秋風飛仙去兮朝太  
微黃冠野服兮以遊以嬉飡霞臥月兮世不我違  
與世滌映兮天門可馳蒼龍嗥兮雲漫靡石泉冽

兮山芋肥俯仰宇宙兮日月蔽虧靈秀回薄兮野芳呈姿山中之樂兮萬化莫移他人不來兮隱者

歸曷

崇義院在府西北隅宋紹興間建

淨慧院在府西北隅宋景祐四年建

白雲禪院在閭門外宋慶厯間范仲淹奏即天平

山白雲菴改功德寺移菴於此明萬厯二十年郡

紳徐元正重修

貝葉禪院一名雲泉菴在府白蓮涇慧慶寺後內

有古井名雲泉元至治間勅明萬厯間僧巢松葺垣得碣有陸龜蒙時翻貝葉添新藏間插松枝護小泉之句更今名

明因禪院在府橫山下即薦福山感慈院宋景祐間建

妙音禪院在府行春橋西茶磨山麓宋淳祐堯山主開山明洪武中重建

中峯禪院在支硎山寒泉上本支公古刹也不知



廢於何年地屬王氏天啟中鑿元孫永思施為講  
僧一雨通潤靜室

天衣禪院在翠峯寺右悟道泉在焉宋雪竇說法  
時寺集千僧有天衣懷禪僧願汲水供衆忽折擔  
蹉跌而化桶湧白蓮

報忠院在西洞庭包山梁天監九年建

戒幢律院在府九都舊為太僕徐泰如西園捨為  
寺崇禎八年建

甘露律院在閭門西半塘明建

國朝康熙九年布政幕天顏復建殿閣即巷前官河為放生池僧淨起復有退居與院址相接名香嚴巷  
佛華禪院在府采雲里明崇禎十六年建

元和道院在府治後宋端平間建

清微道院在府治西支家巷內宋端平間建

安隱道院在府石巖橋南宋嘉泰間建

高真道院在府織里橋南宋嘉泰間建

太初道院在盤門內宋寶慶間建

太微道院在閭門南城下元至正八年建

佑聖道院在閭門南濠元至元間建

富春道院在府木瀆鎮宋治平間建

全真道院在府光福迂里

靈應道院舊名高真堂在府東洞庭之梁家瀨宋

建元季燬明成化間重建王鏊有記嘉靖四年移

於本山之湖沙里改今名

回真道院在府城東北宋咸淳間建

靈隱道院在府城烏鵲橋東南宋嘉定元年勅建  
悟真道院在齊門外宋何蓑衣真人退修之所有  
墓在院東

冲和道院在府上十四都蠡口宋何真人賜塋之  
側元末道士周鶴林退修之所

善成道院在婁門外官瀆唐初建

通明道院在府角直鎮之西張滙宋祥符中建

通神道院在府陳墓鎮元時建

太微律院在府許野關南

蓮池院在崑山縣西南五十里陳墓村宋嘉泰中  
孝宗妃陳氏塋此因建有蓮池八景

西乾道院在崑山縣馬鞍山陰順治中邑人為辟  
穀道人呂慈建

頂山廣福院在虞山北嶺下梁大同十二年石使  
君捨宅建名頂山院宋治平間改頂山壽聖院續

改今額寺有十景

上方院在頂山小嶺之外夾兩山之間白龍泉在  
焉

大慈塔院在虞山拂水巖東報恩寺

國朝玉林琇禪師自京師還山

世祖章皇帝勅賜帑金建塔院

福城禪院在常熟縣小東門外蕭應宮建萬厯戊

申建塔三層崇禎甲戌續建四層

資福院在常熟縣南門外明崇禎十五年王憲曾  
捨宅建

國朝康熙三年修建闢放生池於山門外

三峯清涼禪院在常熟縣北門外數里前臨烏目  
澗萬厯四十一年漢月藏禪師大興法席邑紳士  
施飯僧田六頃有奇

聖壽禪院在吳江縣西北延壽坊故稱北寺吳赤  
烏中建

靈真道院在吳江縣仙里橋南元至正十三年建  
崇福道院即圓壇廟在吳江縣南六保長橋宋淳  
熙二年建

朗吟谷在鄧尉山妙高峯僧菴內

國朝順治間辟穀道人呂恣鑿石架木構閣以供斗姥  
又築桴菴在靈巖山塘南其村多植桃名小桃源  
恣修靜於此

元和山居在府閭字四圖明洪武時建



祐聖山居在府九都明弘治甲子建

真武閣在吳江縣南門外明嘉靖中建今稱三天

門



江南通志卷四十四

# 欽定四庫全書

史部  
江南通志卷四十五  
六

詳校官給事中<sub>臣</sub>丁雲錦

檢討<sub>臣</sub>德生覆勘

總校官編修<sub>臣</sub>王燕緒

校對官編修<sub>臣</sub>勵守謙

謄錄監生<sub>臣</sub>蔣繼熊

欽定四庫全書

江南通志卷四十五

輿地志

寺觀

三  
松常鎮三府

松江府

普照寺在府治西唐乾元中建宋大中祥符元年  
改今額寺有陸將軍祠世傳地本陸氏園亭因以  
祠之舊有石刻載吳越王祭獻文今為寺伽藍神

寺為祝釐道場每歲正旦冬至郡縣習儀於此內

有海月堂景蘇閣

附

元年璫記畧

普照寺陸士衡別業也自孫氏

歸晉兄弟入洛以文人膺事任震動當時倚伏相尋曾未瞬息已有華亭鶴唳之嘆而其臺榭化為像設研席化為梵唄乃至今存何歟寺北坐九峯層巒疊嶂相為蔽虧陰陽家謂風氣藏聚可安千衆者也唐乾元時本號大明寺僧良慧嘗勸釋迦如來殿逮宋祥符間改賜今額凡三度重建淳祐戊申厄於祝融里人錢武翼首議興造其事未竟子大信繼之咸淳甲戌僧慧思與武翼舊念不可廢前人功亟勸率賄施以助殿始完好每歲州侯率其僚屬於此建道場中祝讚而禱水旱穰風災者亦皆至焉

興聖寺在府東南穀市橋西五代漢乾祐二年邑人張司空子仁捨宅建初名興國長壽宋祥符中改今額地縱廣踰三十畝東有水陸池南有浮圖四面九級有鐘樓高及浮圖之半明洪武三年知府林慶以其地三之二作城隍廟

南禪寺在府學東宋崇寧中張頭陀卜築於此鑿地得住世羅漢像邑人異之遂為施水巷請額於朝紹興二十九年賜名演教禪院後改今額為在

城諸禪之冠僧綱司治焉

北禪寺在府東北城內宋紹興間僧法寧建寧先  
住沂州馬嶠山淨居寺航海至青龍有章氏者迎  
止於此發地得古碑云大唐禪寺又得金銅天王  
像因建寺焉又名馬嶠寺

附

明陸樹聲題北禪雙

樹詩并序

馬嶠古剎歲久漸圯地為居民侵蝕者  
半獨殿前雙樹屹立度僧臘無算兵後

官司取材議及馬余護存之他日過寺僧引余  
讀舊碑出雙樹下顧余曰是木向微公幾已化去  
今清陰宛在實仗公再來緣願一言貽山門因題  
識廡壁以戒芻牧。歲遠香臺半劫灰斷碑遺蹟

掩蒿萊回看雙樹間僧  
語此日清陰是再來

延慶寺在府城守禦千戶所東其地本施家養宋  
隆興中建乾道六年賜額明嘉靖間廢改為鹽運  
司公署即今新察院佛像遷南關外曰延慶移山  
龍門寺在府城集仙門內橋東宋僧如喜開山於  
黃土橋淳祐元年賜額元至正二十年遷於此中  
有聽雪軒左有龍淵遇旱不竭凡鄉貢舉子必於  
此設祖而賓興之

雲峯寺在府城妙明橋西北舊北道堂也元至正末趙道淵為僧改名本一禪院康熙四十四年

賜雲峯寺三字額

禪定寺在雲峯寺東俗呼小北巷康熙四十二年

賜今額四十四年

御書般若相三字匾額

積慶寺在府東南又名坐化菴元至正辛巳邑人陳源為慶禪師捨宅建慶坐化肉身在焉菴因以



名

東禪寺在府東門外初桃花巷也宋紹興初僧道  
因開山六年賜額寶勝禪院後為寺以居府東遂  
名東禪焉明洪武中陞為叢林每歲有司迎春於  
此駐節云

妙嚴寺在府城西東嶽行祠之東宋咸淳間建本  
三乘菴元至正間重建勅賜為寺

超果寺在府西南瑁湖橋之右本名長壽寺唐咸

通十五年建至宋治平元年改今額寺有鴛鴦殿  
一覽樓雨花堂瑞光井石假山見遠亭西來堂諸  
勝

國朝康熙四十四年

聖祖巡幸

御書虹光勝蹟四字懸大殿

西禪寺在府西白龍潭上宋嘉定間建端平間賜  
額西禪興福寺又名龍潭寺萬厯間重建藏經閣

關帝殿生生閣

國朝順治十六年僧心一修萬佛閣

西林寺在府西慶雲橋北宋咸淳間建前有寶塔  
明正統間僧法瑞徙建於後復建毘盧閣因請額  
云西林

大慈寺在府西南十五里北錢市元建

報恩寺在府西南四十里元皇慶間僧道源建

普門寺在府東北盤龍塘俗稱盤龍寺唐大中十

二年建宋祥符元年賜額寺有石天王舊傳大水  
中漂至人多禱之

寶雲寺在華亭縣亭林鎮初名法雲在市西北唐  
大中十三年建晉天福五年湖水壞寺始遷今所  
其地即梁顧野王故宅寺之初成有野王顯夢事  
因祠為伽藍神有元牟璦記趙孟頫書今存

七寶寺在七寶鎮初在陸寶山本陸氏香火祠俗  
呼陸寶菴既徙吳淞之曲請於吳越王賜以金字

藏經曰此亦一寶也遂改今名後因松江潮壞三徙於茲宋初張澤捨宅為寺

太平寺在胥浦南宋紹興二年僧曇無竭建元燬至正甲申僧潤玉隱建浦北有松風閣

明行寺在奉賢縣南橋鎮晉天福五年里人蔣漢

瑊捨宅建宋太平興國八年賜額

附

宋釋北礪居

簡紀畧

華亭圖牒載春秋時夫差三女子墓田曰三女岡聲詩則插諸唐令尹詢并荆公王

介甫都官梅聖俞過岡之刺曰安和石晉天福五年蔣漢瑊環堵中芬陀利花擢於陸聚族而謀曰

是八吉祥六殊勝處盡施諸釋梵家遂基此剎楨  
幹於是者曰本立病潮鬻岸址白漢城議徙於此  
改曰明行用淮海王錢中令歸朝所請之額堂宇  
樓殿金碧煥繁雲棲駕飭月衍璇題具如經說凡  
所當行  
罔不具

資福寺在梁店元至元初建

福田寺在泖濱宋淳祐十五年修武郎錢仲圭建

景定賜額

化成永壽寺其址古胥顧泖也泖有六和神靈甚  
宋端平間僧妙智苦節清修並泖架一室奉神神

顯靈於人凡禱祈者以所驗重輕發土實泖未幾  
泖隆然遂構精舍曰化成菴元泰定中賜今額  
法忍寺在金山縣朱涇鎮唐咸通十年建即船子  
和尚覆舟處寺有船子及夾山會禪師遺像  
東林寺在法忍寺東元至大初建本觀音堂皇慶  
初改額為寺

澄鑒寺在泖橋俗呼泖橋寺唐天寶六年建  
興塔寺在泖橋西紹興四年賜額

松隱寺在松隱鎮元至正間建趙孟頫書松隱二字遂以為名寺有塔與興聖西林禮塔相望

海慧寺在風涇白牛市宋建隆初里人姚廷睿捨宅建寺有水波壁留春亭精進閣並廢

寶藏寺在海慧寺西宋熙寧初建紹興五年賜額積善寺在上海縣治西北宋紹興間里人李旰夢金人乞坐地遂捨地為精舍度其孫師立主之元至大間有番賈航海南來拜師立道上自云慕師



高德以貨寶一巨艘施之不通姓名而去立遂大  
拓舊規請額為積善院今寺為本縣祝釐習儀之  
地僧會司治焉

觀音寺在上海縣西宋崇寧初建淳熙三年賜額  
慈報禪院從錢參政良臣請也元燬明洪武十六  
年僧性重建改今額為縣之首刹

法華寺在觀音寺東宋開寶間僧慧建

靜安寺在蘆浦初在滬瀆吳赤烏中建號重圓寺

宋祥符初改今額寺有江中浮來石像石鉢又有  
吳越王瑜珈道場毘盧遮那像五臟皆書錢氏妃  
嬪氏名有赤烏碑陳朝檜講經臺鰕子潭湧泉綠  
雲洞與滬瀆壘蘆子渡為八景

龍華寺在黃浦西龍華村相傳吳越忠懿王常夜  
泊浦上風雨驟至草莽間祥光燭天鐘梵隱然詢  
其地古龍華寺基也遂重建其西北隅舊有白蓮  
教院前有寶塔時時放光至今存焉明萬厯間詔

頌佛藏於寺又賜範金千葉寶蓮毘盧佛一鏤銅  
器五勅賜大興國慈華禪寺

大聖寺在上海縣東南四十里宋紹興間建後廢  
明初即普淨院榜今額

明心寺在上海縣西南六十里梁開平初都水使  
者錢綽建宋治平二年賜額寺有古檜二本元豐  
時所植至今存焉

崇慶寺在北蔡村宋嘉定間建

南淨土寺在吳會俗呼南王寺宋淳祐中建初名  
九品觀堂元大德中改今額

資壽寺在吳會北元至元末僧嚴肇建俗呼北王  
寺

寧國寺在二十六保宋隆興中建乾道二年請額  
殿前羅漢松四株枝幹森矗古色蒼然蓋三四百  
年物也

福基寺在三十保元至元間建

永定寺在南匯縣周浦鎮宋淳熙間趙宮使建名永定禪院明洪武中改額

慶寧寺在二十二保南陸村宋建炎間建

安國寺在二十二保宋咸淳間建

南廣福寺在二十一保宋嘉泰間里人鄒運幹捨宅建俗呼鄒家寺僧宗印請額

太平寺在二十三保因華亭太平寺在其西俗呼此為東太平宋太平興國間建

永寧寺在新場鎮元至元間建名報恩懺院明洪武中改額元方回有記趙孟頫書

南積善寺在十七保宋紹興間建

隆福寺在青龍鎮唐天寶間建至長慶中始建寶塔昇仙臺在其前

隆平寺在隆福寺北故俗稱南寺北寺唐長慶元年建明嘉靖後改為新縣城隍廟後移縣唐行鎮欲遷不果有寶塔亦廢寺有宋馮翊陳林記襄陽

米芾書

普光寺在青龍鎮宋紹熙五年建

頤浩寺在金澤鎮宋景定中里人費輔之始創經  
堂僧道崇主之其徒如信開拓遂成大刹元元貞  
中賜今額明萬厯五年徐階以賜袞留鎮山門乃  
於殿西北作樓三楹貯之莫如忠題曰有袞樓  
慧日寺初名普寧慧日院在孔宅里俗呼孔宅寺  
寺有宣聖祠元景定中易今名

宣妙寺本佘山西菴宋治平二年賜額

普照寺本佘山東菴宋太平興國三年聰道人開  
山治平二年賜額普照教院寺有道人塔下有月  
軒旁有虎樹亭相傳道人在山時有二虎隨侍道  
人死虎亦死瘞之塔旁踰年生銀杏樹二僧隱闢  
亭其間以虎樹名

昭慶寺本佘山靈峯菴宋紹興二年建有塔

壽安寺在鍾賈山下元貞中建



圓智寺在干山唐大中十三年建于邑西南二里  
晉天福中壞於水始遷於干山其地晉陸士衡草  
堂遺址也宋治平中賜額有塔在山之半明萬歷  
中同鄉林景暘重修法堂左為二俊祠祀二陸  
布金寺在四十七保大盈村本法雲院唐太和二  
年建宋易今名

崇壽寺在吳淞北楊林俗稱楊林寺宋元祐間建  
福善寺在內勲浦之陽梁貞明六年僧智道建時

多虎患道至虎即逝去宋大中祥符元年改今額  
澱山寺在薛澱湖中山頂宋建炎初建紹興八年  
賜額普光王寺明改今額

仙鶴觀在府南南朝真橋東始創在橋西年月無攷  
宋紹興三十一年道士葉太真復建請於朝賜今  
名明初以其地設太平南倉道士陸允中始遷今  
地為府境琳宮第一道紀司治焉  
通圓觀在青龍鎮宋景祐元年建

示應菴在白龍潭東北宋淳祐間建明萬厯間僧  
明心即故址重建

賜子定光菴在白龍潭西

喜見菴在府東北七里元至順間建

永福菴在府南十八里元建

清涼菴在府西二十七里宋咸淳間建

施水菴在莘莊鎮南宋咸淳間建有趙孟頫金書

法華經

蘆花菴在泖口里中曹氏建狀其勝者有百二十  
里碧琉璃三十六陂紅菡萏之句

樵隱菴在金山縣三保

國朝康熙四十四年

聖祖南巡至松

召僧行瀾

賜禪林宗宿扁額對聯石刻經卷四十八年提督師懿德

建

御書樓

定光菴宋景定間建與海慧寺相並

潮音菴在新場元至元間建

常寂菴在新場元大德十年建順治間易名南山

禪院

東林菴在十九保元大德六年建

福田菴在三十保元至正間建

東隱菴在五十保元至正二十二年建

西隱菴在秦來橋市宋乾道三年建有趙孟頫碑記

雲隱菴在澱湖西王巷村南接石神廟宋咸淳間建

東濟菴在四十六保元至正間建

德濟菴在蕺山元大德三年邑人張謙建僧穹開山後有骨塔有松上覆如偃蓋然

錢明宮在府東門外

碧霞行宮在府東門外明嘉靖間建舊名紫霞宮  
普門院在古際留倉東元至元間建

廣化漏澤院在府起果寺西北宋崇寧中建紹興  
三年賜額

純陽禪院在陶宅鎮明餘姚謝遷讀書於此

延壽院在婁縣李塔匯宋嘉定中建院臨驛道府  
人祖餞以此為節云

國朝順治十六年知府祖永勲捐俸重修本名禮塔今

云李塔疑以曹王明故也

澄照禪院在泖中唐乾符間老僧如海作井亭施  
湯茗建塔五層標燈為往來之望明嘉靖間僧智  
明建大雄殿其徒自正於隆慶六年築石隄以為  
外護建寶藏閣以奉大藏經陸樹聲與弟樹德置  
常住田太倉王世貞為之記隆慶三年丈田均糧  
僉事鄭元韶知府衷貞吉以泖塔在湖中湮沒不  
常遂得免科萬厯元年復建青浦泖以西俱屬焉



獨塔基因不起科仍隸華亭今屬婁

積善院在二十五保宋慶元間千戶徐名建

寶月禪院在青浦城內生春橋西元至正間建佛像皆脫沙塑

慧日院佘山中菴也宋太平興國三年建舊云沐堂治平二年賜額明宮保陸樹聲書雲崖風壑四大字勒石以朝衣一襲留鎮山門太師徐階奉世廟賜蟒衣付僧為供

崑山塔院即今小崑山泗州塔院宋乾道元年建  
明時又建觀音殿真武殿西方藏殿三聖閣萬厯  
中建藏經閣

國朝順治五年僧潮本源以山勢宜北殿獨南向經閣  
反踞其前形家疑之遂鳩工移易法像不動一時  
偕旋觀者謂有神助云康熙四十四年

御書奎光燭泐四字匾額

蓬萊道院在府東門內元至正中建東廡有梓潼

神舊祠於縣學祠後有竹林大比歲以筭迸室中卜薦士之多寡近神坐則占前名其驗如響明成化六年提學陳選以神道家者流非學所當祀道士李朝陽因請移祠於此仍塑呂真人配之

盟素道院在府東南舊城隍廟側元至正十二年建

西湖道院在府城演武場北元至正元年建其地舊西湖也故名今猶有小渠自太平橋西流折北

而匯其前為城中幽勝處

長春道院在府南門內橋北元大德十年建為境內全真教祖

安于道院在府北門內宋咸淳間王蒲友捨宅建舊傳安于二公讀書於此相繼發跡故名

谷水道院在府城西谷水坊內前志云在瑁湖北曰谷水者湖之故名也宋寶慶二年道士陸景微建今湖已湮院南悉為民居其外一水縈紆不知

為湖矣

太素道院在府南郭外元至正九年建南瞰瓜涇  
林木幽蔚宛在人外中有端坐全真之所曰雲巢  
太清道院在俞塘明洪武元年建

大興道院在蕭塘鎮元至正中建

昇真道院在法華橋元至正間建

元真道院在張涇堰元至正二年建

朝元道院在泖口元大德間建

正陽道院在上海縣治東南元至正十一年建

平山道院在十八保明洪武七年建按晉袁崧犒  
軍長人鄉酒罄聚瓶為山後人尚有於此地得瓶  
者字宜從瓶

朝真道院在福泉縣元至大二年建

崇真道院在細林山元至正間建為細林八景之

一

朝真道院在千山元至正三年道士郭松溪建

常州府

國安寺在府榮橋唐初建

護國寺在斜橋南元大德間建

正覺寺在李子廟西唐開元中建名開元為李遵  
宅舊址宋改今額正德丁丑知府王教以寺改忠  
義祠遷寺於妙勝寺廢址

妙勝寺在雙桂坊晉永和中李大夫捨宅建明嘉  
靖撤廢即其址建正覺寺

崇法寺在忠義祠東舊傳陳司徒後圃南唐保大  
中名大聖院宋宣和七年賜名崇法禪院

萬壽寺在新城通吳門外唐五祖法融尊者建南  
唐保大中建浮圖七級龕僧伽所留國祥寺衲衣  
號普照王塔明宣德六年都綱淨以寺為祝釐之  
所請於朝募建天王殿金剛殿兩廡合五十餘楹  
危簷傑構為郡中叢林第一

太平寺在季子廟西齊高祖創建



國朝康熙四十四年

御書太平興國寺額又

賜現身民安四字匾額

崇勝寺舊在府治陳司徒西第初名福業宋太平

興國中改賜今額明嘉靖中移置廣化門橋東

端明寺在德安橋南舊在武進縣東南三里宋治

平初胡樞副宿請建元末兵廢明永樂元年移建

今地即舊清涼寺基故俗亦稱清涼寺

永慶寺在府夾城舊傳陳司徒果園後唐長興初  
建名正勤宋宣和中詔為神霄玉清萬壽宮後宮  
廢復為寺明嘉靖末應城李幼滋來知府事聚徒  
講學其中士子翕然師尊之因即寺南故城構亭  
其上名曰精微

國朝康熙四年邑諸生趙申喬讀書寺旁請於有司捐  
貲重葺

文明寺在府南三十里三渦溪俗名三渦寺唐大

中五年建名緣果太平興國中改文明崇孝禪寺  
寺有米芾留題云陳文老劉巨濟米元章戊辰暮  
春同遊刻石尚存筆法遒勁可觀

景德寺在前黃俗名前黃寺唐咸通初建名寶田  
宋太平興國中改景德禪院

永寧寺在府東南三十五里咸通四年建名道成  
宋改今額

寶相寺在府南六十里宋大中祥符二年改名瑞

像明洪武初重建復舊額

神駿寺在寨前灣唐貞觀初嘗徙置津里山隩名  
靈山里民杭憚捨基建寺居重湖疊嶂間最為清  
絕宋大中祥符改祥符禪院宣和四年陞為寺

國朝康熙三十八年

御書賜名神駿寺額又

御書水月禪心四字匾額

興教寺在府東三十里胡橋唐大中初建宋太平

興國中賜額興教禪院明洪武元年重建二十四  
年改為寺

保寧寺在橫林鎮北宋太平興國間建名接待院  
慶元間改今額

寶雲寺在府東二十七里隋名攝山舊有斷刻謂  
在橫山一夕大雷電攝至斯地故名蘇軾詩云誰  
知白首長河路還臥當時送客風

潛靈寺俗名白龍菴在橫山南麓有龍井祀嘉山

白龍之母早禱輒應宋紹興七年州學正呂喆等  
請封賜今額

開福寺在府北三十五里唐大厯中建舊號豐城  
以豐城鄉得名俗名南城寺宋太平興國中改開  
福禪院明嘉靖初因魏國莊田隣寺侵奪之僧乃  
棄寺出遊後過寺題詩云殘山剩水一荒基古寺  
磨礱白塔低燕子不知身是客秋風還戀舊巢泥  
開法寺在府東北三十五里隋開皇間建名天光

宋太平興國五年賜今額

顯慶寺在周莊唐顯慶中建

觀音寺在府北六十里唐開元中建名善業宋改  
觀音禪寺

智寶寺在阜通鎮又名萬歲寺梁武帝舊第天監  
七年捨為院名慧炬宋太平興國中改智寶禪院  
能仁寺在奔牛鎮西齊黃門侍郎蕭惠開捨宅建  
名禪鄉宋政和間改今額

寶林寺今名石莊花寺在府南三十里周閔帝捨宅建名法華宋改今額

圓明寺在府西南六十餘里唐貞觀中鎮威將軍薛恬武陵王記室薛世緒徐州西曹從事薛法興捨宅共建初名樂善宋改圓明禪寺

修善寺在府北三十里隋建

崇安寺在無錫縣治東三百步晉哀帝興寧二年

建宋太平興國初賜今額



北禪寺在無錫縣治南中市橋西巷唐武德中建  
後廢宋寶元中復置賜名壽聖禪院俗稱北禪寺  
正殿署書釋迦寶殿宋米芾筆世所傳賞

惠山寺在無錫縣西五里惠山第一峯之白石塢  
宋司徒長史湛茂之別墅名厯山草堂景平初為  
僧寮曰華山精舍梁大同三年改建法雲禪院康  
熙二十三年恭遇

聖祖仁皇帝南巡臨幸惠山寺酌泉於亭遂禮佛於殿上

百姓瞻望踴躍幸觀

天顏乃懸榜其上曰

聖敬式臨以志奇觀寺門外有石幢二左刻楞嚴諸咒宋  
熙寧間立右刻尊勝諸咒唐乾符初立白鹿山人

李端行書

華藏寺在無錫縣西三十五里華藏山亦名青山  
寺宋紹興間太師張俊勅塋於此因建寺墓左以  
奉歲祀賜名華藏褒忠顯親禪寺至今其地因以

華藏名

翠微寺在無錫縣西安陽山梁中書舍人陸舉故宅太清初為遠山寺宋太平興國賜今額

誌公寺在無錫縣西北四十五里青城鄉誌公禪師嘗居其地故名宋建炎二年僧曇顯建

南禪寺在無錫縣望湖門外梁太清初建

保安寺在無錫縣城北五里景雲鄉創建於梁大同初宋紹興中重建乾道中賜額為保安禪院

成性寺在無錫縣西南開化鄉軍帳山傍有龍湫  
舊名龍祠菴宋淳熙中建

長泰寺在無錫縣西南長泰山梁大同元年建  
方湖寺在無錫縣開化鄉宋紹興初建

祇陀寺在無錫縣東梅里鄉梁大同二年邑人王  
建施宅為寺

膠山寺在無錫縣東膠山之西梁太清中蕭侍郎  
施宅建宋建炎間李綱請奉先祀改崇親報德禪

院

靜教寺在無錫縣東上舍亦名上舍寺陳至德元年建初名善寂宋太平興國五年賜今額

香山寺在無錫縣東六十五里香山一名顧山亦名顧山寺梁大同中建

嵩山寺在無錫縣東嵩山元至正中建明宣德八年賜今額

圓通寺在無錫縣延祥鄉唐乾元初建本名乾元

宋景祐賜今額

甘露寺在無錫縣東七十里甘露市唐乾符中建

崇先寺在無錫縣東泰伯鄉宋紹興五年建

泗州寺在泰伯鄉宋嘉定中建

報福寺在無錫縣垂慶鄉胡堰宋建炎中建

保寧寺在無錫縣北興寧鄉梁大同中建

開利寺在無錫縣北洛社鎮梁太清初建始名興

福宋景祐三年賜今額

乾明廣福寺在江陰縣初本二院一唐乾貞時邑人周奉思捨宅建名崇聖宋太平興國賜額乾明一至和中邑人孫諫捨宅建名華藏治平中賜名壽聖紹興中避高宗號改廣福乾道九年知軍嚴煥請於朝始併為一寺殿閣崇嚴為諸山領袖報恩光孝寺在江陰縣君山麓唐天祐時知縣張可琮建名永壽宋紹興間為高宗追福之地賜今額

香山觀音寺在江陰縣顧山麓宋建炎初建為顧  
山菴元季廢明洪武三年重建天順三年賜今額  
迎福寺在江陰縣南街唐天祐中邑人陶靜捨宅  
建

太平興國寺在江陰縣南街宋太平興國中建遂  
名之

禪鄉寺在江陰縣利城宋黃門侍郎蕭惠開建

太清寺在江陰縣砂山麓唐天祐中建宋景德間



賜額景德院元至正間改太清寺

祥符寺在江陰縣治東北隅本古永安院晉庾冰宅也宋祥符中改今名

悟空寺在江陰縣金鳳鄉隋林王氏捨宅建

報恩寺在江陰縣後梅鎮宋淳熙四年建有塔

永安寺在江陰縣夏港市西宋咸淳間徐統制捨地建

永壽寺在江陰縣楊舍宋靖康元年建

禮敬寺在江陰縣寶池鄉宋乾道間建元季廢明  
洪武元年重建

法藏寺在宜興縣西南隅舊在縣西談村蕭齊時  
建名重居唐上元二年移建於縣南二里宋大中  
祥符間賜今額

善權寺宋名廣教禪院在宜興縣西南五十里永  
豐區齊建元二年以祝英臺故宅創建明改為善  
權寺寺有三生堂乃唐司空李蟪宋宰相李綱學

士李曾伯祠柱聯云一姓轉身三宰相三生造寺  
一因緣

大蘆寺在宜興縣西南橫山山亭區唐咸通二年  
里人張氏捨宅建舊在山麓宋至和間徙今地

李山寺在宜興縣東北三十五里洞山鄉梁普通  
二年建

南嶽寺在宜興縣西南十里南嶽山齊永明二年  
建唐天寶中稠錫禪師道場有洗腸池卓錫泉天

然井有吳越金書法華經二帙藏於寺宋改勝果  
禪院明洪武二十四年改今額

福聖寺在宜興縣東北二十五里開寶區梁大同  
元年交州刺史楊師利捨宅建陳永定易名安國  
明改今名

利益寺俗名鍾離寺在宜興縣西五十里神安區  
梁天監十年建

復隆寺在宜興縣西南五十里永豐區齊永明二

年建

慧光寺在宜興縣西五十里從善區本臨津縣濟明寺唐武德八年縣廢寺亦燬上元元年移建今地天寶中更名圓照明洪武二十四年改今名

金明寺在宜興縣北三十里萬二區隋開皇十年建名西域寺宋大中祥符元年改今額

芙蓉寺在宜興縣西南四十里山亭區芙蓉山唐乾元初建寺有三到亭昔大毓禪師駐錫於此與

龐居士問答

金沙寺在宜興縣東南四十里均山區陸希聲讀  
書山房即此

普門寺在宜興縣西百里清西區洮湖中大坯山  
上唐元和五年建

慧明寺在宜興縣西北九十里清溪區臨洮湖唐  
上元二年建名淨土宋改今額

保安寺在宜興縣東北二十里開寶區保安山南

麓陳永定二年建

顯德寺在宜興縣西南六十里從二區唐上元二年建

崇慶寺在宜興縣北五十里萬二區梁普通二年建名養安宋治平三年改今額

法性寺在宜興縣北五十里萬一區梁普通二年建

開勝寺在宜興縣西南五十里從二區胥堂村唐

上元二年建

大潮福源寺在宜興縣東南五十里均山區明永樂初修撰吳成學不肯歸附逃至宜興沈榮留匿於家後削髮為僧號雪菴榮為築室於山名大潮菴正統十二年僧道性重建奏請以廢寺福源舊額移入本菴為大潮福源禪寺胡濙作記

顯親追孝禪寺舊在法藏寺東宋建中靖國元年蔣樞密之奇請為墳剝賜今額明洪武初僧成大



移建今地

靜樂寺在宜興縣西南三十里銅官山側唐乾元  
初建

碧雲寺在宜興縣西南六十里金泉區烟山宋嘉  
泰十四年建

棲雲寺在宜興縣西南六十里永豐區烟山宋紹  
興間樞密王淵建

衍慶寺舊名邵塢菴在宜興縣西南三十里從一

區宋乾道二年建明天順二年賜今額

彰善寺在宜興縣東北三十里周孝侯故居旁宋  
樞密郭三益捨宅建

海會寺在荆溪縣均山區

國朝康熙十六年

勅建天隱修祖塔

龍山寺在荆溪縣

國朝康熙四十四年

勅賜娛慧寺額

龍池寺在荆溪縣康熙四十六年

勅賜澄光寺額康熙五十二年

御書法門領袖四字額

磬山寺在荆溪縣均山區雍正三年

勅賜弘闡法印四字額

崇聖寺舊在靖江縣城西南十七里宋淳熙二年

建明成化八年建縣十年令張汝華遂遷寺於縣

城東門內為習儀祝釐之所

東塔寺在靖江縣東門外明萬歷二十三年知縣  
朱邦憲建

孤山寺在靖江縣東北十里靖未置縣時已有寺  
未詳其所始

玉隆觀在玉隆觀巷內宋嘉熙間尚書錢相建

玄妙觀在府東南晉永嘉初毛中尉捨宅建淮南  
順義中築外子城徙今地

含輝觀在府西北七十里唐建名景星觀宋大中祥符二年改賜今額

太和觀在後餘梁朝始創按唐碑又為漢張真人道場歲久廢唐貞觀中於舊址北重建

明陽觀在無錫縣西七里宋盧真人至柔建謂即古洞陽觀地也大觀元年賜今額觀門之右有泉名洄酌深不盈丈而味亞二泉

玄妙觀在江陰縣治南天慶門內宋祥符二年詔

建額曰天慶先是元年正月三日天書降詔天下  
建天慶觀元元貞元年改玄妙

天壽觀在江陰縣南街南宋末翰林陳錡故宅

通真觀在宜興縣東南隅陳太建二年建名宏道  
宋大中祥符二年賜額元通避國諱改今名有北  
極閣南唐保大中建徐鍇為記兄鉉篆額

冲寂觀在宜興縣西五十里神安區官村唐弘道  
元年周選捨宅為觀名凌霞宋祥符元年改元寂

八年避國諱改今名初南唐時有道士許堅來遊  
題詩於壁浴漏湖凌波而去進士薛舉撰記俗傳  
遜因宅井有白兔升天遂捨宅為觀

洞靈觀今名天申宮在宜興縣南四十里均山區  
張公洞前吳赤烏年間建初為佛寺唐開元元年  
復為觀玄宗御賜題額許用晦丁卯集有詠洞靈  
觀冬青樹詩

元真觀即紫微宮舊志云赤烏元年建

金匱縣志卷之五  
墓四十五  
蓼莪巷在王婆嶺南相傳孝子王哀墓在焉

棲雲巷在檀溪灣宋寶慶元年建

全真巷在新坊橋東南明洪武二年知縣舒裕建  
祀張平叔一名紫陽觀

東林巷在無錫縣城東隅箬葉巷元至正十年建  
明洪武初邑人朱子華施地以廣之成化萬厯相  
繼重修初宋楊時講學地故名東林邵寶嘗作書  
院於秦伯瀆之上而或以此地為是於是知縣鄭



普遂作文靖木主祀之菴中後始遷之崇正書院  
及顧憲成高攀龍創復東林乃為道南之祠以祀  
焉今在菴之南

聽松菴在惠山寺左桃花塢下明洪武七年僧普  
真即繡嶺亭故地為菴而植萬松其中因以為名  
有秋濤軒王紱畫廬山景於其壁秋聲小閣以貯  
竹茶爐皆為時名蹟

禪悅菴在惠山寺右錫山之南宋咸淳中建

金鷲菴在無錫縣靖海門外梁大同中建相傳上  
梁時有金色鳥來集故名宋寶慶間僧法昌掘地  
得泉以施行人亦名施水院去城九里今又稱九  
里菴

前湯菴在無錫縣北天授鄉前湯其地名也亦名  
普濟菴宋德祐元年元兵陷常州邑人陳通判焰  
菴戰死之以宅構菴

崇慶菴在無錫縣東北西高山吳赤烏二年建

飛錫菴在江陰縣定山唐貞觀中建法響禪師駐錫處虎跑泉在焉

福泉菴在宜興縣西南八十里永豐區鳳飛嶺晉義興守劉超建為墳刹

般若菴在宜興縣西二十里成任區毫村吳赤烏間建明時火燬移建本村東南

公文菴在宜興縣西北十五里公文村湛漬官河之內宋咸淳二年建明嘉靖間重修武進唐順之

與門人王升輩講學於此因改公為工邑人萬士  
和記

香界寺在荆溪縣清泉區舊名昌福菴

國朝康熙四十四年

勅賜香界寺三字額

洞虛宮在無錫縣治崇安寺之左舊在膠山梁大  
同二年建始名青元宮後廢徙今地宋大中祥符  
間改賜今額

圓元萬壽宮在無錫縣第六箭河元倪昭奎建昭  
奎高士瓚之兄有詩名去為黃冠初祀老子於此  
名圓文館元祐間賜今額趙承旨孟頫書其碑昭  
奎後賜名圓中文節貞白真人晚自號圓中子又  
嘗創清微精舍於錫山之陰遏澗為水簾潺湲之  
聲日夜不絕

真武殿在西高山吳赤烏中建

張公殿在靖江縣蘇家港水神也邑東埧甚丞孫

京令民迎神於浙之蕭山縣歸祀之數月後民見  
有神燈數百蔽江而來布滿於祠前江口自此漸  
漲年餘得平沙十餘里邑西之民謀曰神之靈如  
是哉因夜往迎神像而祀之於西未幾西亦漸漲  
於是南北江口皆有張公殿

總觀音殿舊志云赤烏年間建

白雲禪院在府治東南白雲渡口

紅塔禪院在府青山門外二里山門題梁云大唐

某年建宇多漫滅舊有浮屠建炎間撤去得斷碑  
云熙寧元年九月重建

薦福院在府東南楊吳時建

廣福院在府東南唐天復中齊雲長老維亢建名  
齊雲南唐保大中改今名

慈福院今俗名大劉寺在府東南三十里唐咸通  
中建名永安宋時改今名

拱真道院今名北真武廟在鼎新坊左元至元戊

寅郡人朱文卿捨宅建

雲居道院今名仙人菴在西村山中舊傳葛洪丹室也太湖志云洞庭有葛洪宅嘗來此煉丹其丹井猶存

興教禪院在無錫縣東四十里梁大同年建名施陀宋紹興初賜今額

希夷道院在無錫縣城東南隅弓河上相傳陳搏過此因名



兜率院舊為白龍寺在江陰縣白龍山上有龍洞  
唐乾符四年建宋祥符二年改今額

光嚴院在江陰縣長壽鄉陳天嘉二年于光捨宅  
建

演教禪院唐名感化院在江陰縣軍城新津門東  
北唐天祐十二年鎮遏使秦誠建元季廢明江陰  
侯吳良改建城隍廟

能仁院唐為重光院在江陰縣杜橋東唐天祐中

縣令張蘊捨宅建政和六年改今額

聖感禪院在宜興縣西北七十里山亭區蕭齊永  
明元年建名香勝宋太平興國五年改今額

崇真道院在宜興縣東北四十五里洞山區唐開  
元二年建

禹門興化禪院在荆溪縣永豐區龍池山上宋咸  
淳間建有龍湫雞冠石捨身石白雲巖

國朝康熙三十五年

御書萬派朝宗四字額

放生池在金匱縣景上區一都康熙三十八年

御書慈雲寺三字額又

賜蘭若二字額

放生池在荆溪縣康熙四十六年

勅賜涵碧堂三字額

鎮江府

金山江天寺在金山晉時建名澤心宋時屢易名

自元以來通謂金山寺山後有塔絕頂為妙高臺  
臺下為楞伽室宋蘇軾嘗書楞嚴經於此凡樓閣  
亭軒及菴堂之屬四十有四

國朝康熙二十三年

聖祖仁皇帝南巡

御書匾額凡五曰勅建江天寺曰江天一覽曰動靜萬古  
曰禪棲曰祇樹

御製金山江天寺碑

恭紀首卷

御製詩 恭紀首卷

焦山定慧禪寺在焦山創自漢興平間名普濟寺  
宋名普濟菴元名焦山寺殿西塔二樓臺亭閣堂  
菴三十有四康熙二十三年

聖祖御書寺額三曰勅賜定慧禪寺曰法雲慧日曰香林  
御製詩 恭紀首卷

甘露寺在北固山吳主皓所建時改元甘露因名  
寺舊在山下唐李德裕施州宅後地增拓之宋祥

符間移山上康熙中

聖祖御書勅賜超岸寺及甘露門匾額

鶴林寺在府黃鶴山下晉大興四年創名竹林宋高祖微時嘗遊焉及即位改今名康熙二十三年御書鶴林寺額

招隱寺在府城南七里招隱山宋景平元年創即戴顓隱居之地梁昭明太子嘗讀書於此

竹林寺在府城南六里創自晉久廢明季重修

國朝康熙二十三年

聖祖南巡

御書竹林寺額及巨竹二字額

御製詩一首

恭紀首卷

因勝寺在府城西二十五里五州山梁武帝嘗遊  
此輦道尚存宋熙寧中為顯慈寺元祐中為因勝  
報親院後廢明萬厯間復建

善禧寺在府朝陽門外隋開皇間建名南山報恩

寺明景泰三年賜今額

萬壽寺在府汝山麓宋趙安撫故宅

勝果寺在府虎踞門外宋乾道中建高宗成肅皇  
后功德寺也后父母墓在焉

登雲寺在府城西登雲門外亦名福因智果院唐  
貞觀間建

能仁寺在府洪澤寺西明洪武年間自城西牖東  
遷於此



大覺寺在府城南鴻鶴橋北宋建炎間創建

天王承慶寺在府登雲門內陽彭山麓初名感慈院梁天監中建

海會寺在丹徒鎮宋建炎三年創舊名尊聖寺後改今額

永業寺在登雲門外原額鮮雲寺又以祠吳季札稱先儒寺宋乾道間建

洪山寺在府東嶽廟西又名永安寺

法雲寺在府平昌鄉唐大中五年建初名流水院  
宋改今額

羅漢寺在府唐顏山下唐天復中建

玉山報恩寺在府西津渡口元至大三年建即浮  
玉亭基

普照寺在府壽丘山巔宋武帝故宅也陳勅寺名  
慈和宋號延慶先是泗州有僧伽塔紹興中建塔  
於此山之上方以奉僧伽像

昭慶報慈寺在府城西吳順義三年置初名延壽  
宋改普慈政和間賜今額

長樂寺在府澗壁宋紹興中建

普寧寺在丹陽縣治南一里晉王珣捨宅為之本  
名顯陽唐改名朝陽咸通中建僧伽塔宋祥符中  
賜今額

昌國寺在丹陽縣南三十里延陵鎮西晉太康間  
建有開元時鐘

崇教寺在丹陽縣經山下晉咸康間建有雨花臺  
金牛洞晉時銀杏樹

大同寺在丹陽縣東北二十五里舊名同林寺一  
名大同菴西晉時建元改今額寺有古井三福安  
橋爪髮塔放生池

祇林寺在丹陽縣西北十五里唐建

梁寶寺在丹陽縣南五十里丁橋西梁大同間建  
廣教寺在丹陽縣東北四十里即沈山院唐神龍

間建

祇園寺在丹陽縣東南六十里東泊唐乾寧六年

建

香嚴寺在丹陽縣雲陽橋北唐天祐九年建

妙覺寺在丹陽縣東仁聖坊明洪武中自經山寺

東移建

定善寺在雲陽橋南宋淳祐間建明萬厯間移建

於尹公橋側即海會巷

妙果寺在丹陽縣東南七里竹村宋咸淳間創元  
時拓為巨剎

嘉山寺在丹陽縣嘉山龍池東宋紹聖間建

孝感寺在丹陽縣東北耿岡宋邵亢功德院也

慈雲寺在丹陽縣陵口鎮宋淳祐間建

慈雲寺在金壇縣東北百步梁大同初建宋改今

額

西禪寺在金壇縣西一里三洞鄉宋淳熙間建

延慶寺在金壇縣西三十里諸禮村宋紹興間建  
靈建寺在金壇縣東十五里金山鄉舊名靈塔院  
後改今額

東禪寺在金壇縣東三里唐光啓間為新興禪院  
宋改東禪寺

報恩寺舊在金壇縣西三洞鄉梁大同初建明天  
啓四年于玉理捨宅為寺取舊額顏之在縣治西  
南

布金寺在金壇縣方山之麓舊名龍泉在華陽市  
唐太和五年移建於此

普慈寺在金壇縣禮智鄉梁大同中建

淨土寺在金壇縣南門外九里後岐村

國朝康熙三十四年建

法慧寺在溧陽縣北六十里吳丞相萬或捨宅建

梁名安靜寺宋賜今額明洪武末歸併法興寺

法會寺在溧陽縣西南社渚吳時建唐名資善院



宋改今額

勝因寺在溧陽縣西北舊縣城側晉義熙初建唐名唐興寺孟郊有寺中觀薔薇花詩宋改今名

白龍寺在溧陽縣西七十里亦晉寺也舊有三塔一名三塔寺

雲泉寺在溧陽縣東南五十里唐名雲泉院許堅詩所云前朝恩賜雲泉額也

法興寺在溧陽縣東北三十七里唐名法常寺宋

改今額

普門寺在漂陽縣洮湖中大坏山上唐元和五年

建

廣教寺在漂陽縣東門外唐金吾長史倪筠捨宅

建名資聖院宋賜今名

報恩寺在漂陽縣東南一里梁天監中建宋宣和

間為神霄宮後改寺易今額

玄妙觀在府石碓橋西北俗呼東觀即唐紫極宮

老子祠宋祥符中改曰天慶元元貞元年改今額  
舊有宋徽宗所賜永鎮福地金牌及趙孟頫度人  
經石刻

紫府觀在府大慈鄉馬跡山宋永初二年建舊名  
福業治平元年賜今額有抱樸子丹井白馬老君  
石跡天下第四十九福地也

明真觀在府長樂鄉舊名修懸唐末僅存遺址宋  
重建元虞集題額

華陽觀在府十一都唐貞觀中建宋改今名

崇福觀在府城大市西南元建

報恩光孝觀在丹徒縣治西南三里舊名天寧萬

壽宋改今額

仙臺觀在丹陽縣西二里舊謂黃堂道院亦名雲

陽觀晉湛母於此修煉飛昇宋改今名觀有窖經

墩瘞劍函煉丹井

延昌觀在丹陽縣南梁大同中建

凝禧觀在丹陽縣東北四十里梁大同中建

大霄觀在丹陽縣丁橋鎮西唐垂拱間建

歸真觀在丹陽縣東南七十里舊名東嶠觀漢焦  
光修煉之所唐開元間名清虛宋祥符中改今名  
舊有丹井丹池飛昇臺迎仙橋望仙墩

凝真觀在丹陽縣土地橋東宋時建

仁靖觀在丹陽縣九靈山宋翟汝文功德院乾道

間建

清微觀在丹陽縣呂城鎮元延祐間建舊名崇壽  
院

太虛觀在金壇縣南壩之東唐戴叔倫捨宅為之  
舊名延真觀宋改今名

元陽觀在金壇縣大茅峯南茅洞之上唐置後廢  
宋隆興初吳興道人沈善智穴居五十年韓蘄王  
妻梁氏經此見黑虎從道人周旋起伏因號為伏  
虎真人助貲建立殿宇

洞虛觀在金壇縣西陶村即陶隱居故廬石記猶存

藏真觀在金壇縣大茅疊玉峯下靜一劉宗師廬墓處宋大觀初勅建

崇壽觀在金壇縣西七十里

集仙觀在金壇縣東金山鄉梁大同初建

玉虛觀在金壇縣西四十里唐長慶中建額曰靈

寶宋改今名

泰清觀在溧陽縣治東南宋淳熙中移溧水廢額  
建

泰虛觀在溧陽縣西南四十里晉盤白真人道成  
之地奉詔立觀賜額曰招仙宋改今額賜銅天尊  
像一真人像二觀有九井云是真人藏丹處

幽棲觀在溧陽縣北三十五里梁隱士幽棲伯昇  
舉於此觀即故宅也有藏丹井望仙橋朝斗壇

黃山觀在溧陽縣西四十里吳黃鶴真人飛昇地



也觀建於唐天寶間宋周絳少為道士於此

乾元萬壽宮在府治西瓶場巷宋安撫使葉再遇故宅也元大德五年改創

崇禧宮在金壇縣茅山丁公山之陽即陶隱居華陽下館唐貞觀時建太平觀宋為崇禧觀元賜名宮

廣福院在丹陽縣東觀音山晉太康中建

江南通志卷四十五